



UNIVERSITÄTS-
BIBLIOTHEK
PADERBORN

Universitätsbibliothek Paderborn

Ioannis Ioviani Pontani amorum libri II.

Pontano, Giovanni Gioviano

Venetiis, 1518

Tumulus Iulij Parmerij.

urn:nbn:de:hbz:466:1-13534

20
TVMVLORVM
TVMVLVS VRSI VRSINI, PRIN-
cipis Nolani & Asculani.

Non artes tibi Romanae, non gloria belli
Defuit, aut magno principe dignus honor,
Non fortuna domus, clariq; a stirpe parentes
Vrse, nec antiqua nobilitate genus.
Præstans ingenio, præstans & uiribus idem
Corporis, ingenij sed grauitate prior.
Illustres titulos dedit & tibi Nola, dedere
Oppida multa tuo recta sub imperio.
Defuit ab tantum uitæ pars optima, nanq;
Mors properans, medio tempore te rapuit.
Sed tibi uictrices Musæ statuere sepulcrum,
Ne mors ipsa tuas deleat exequias.

ALPHONSI DAVALI PRINCI-
pis Aternensi.

Arma manu tibi capta, & uicto ex hoste trophæa
Hæc tibi marmorea erunt, hæc tibi erunt tituli.
Hoc tibi Mars statuit, statuit Bellona sepulcrum
O' Dauale, hæc aneri debita busta tuo.
His Alphonse iaces ornatus & obrutus armis.
Arma tibi tumuli. tela tibi tituli.

IULII PARMERII equitum præfecti.

Da tuba terribilem sonitum, tubicenq; canoro
Aere tona. hos tumulos clangor & arma decent.
Iulius hic situs est. strepitus iuuat, et iuuat ensis
Clauaq; Parmarium bellica parma iuuat.

Gaudet & his heros concentibus. en canit umbra
 Ad numeros placidos ducit & ipsa choros.
 Nunc rursus tuba, nunc tubicē fera murmura rursus
 Ingemna, ut cantu marmora pulsa sonent.
 Hic honor ad tumulos, magnorum & saxa uirorum
 Debetur, Martis sic stata sacra iubent.
 Pro patria hic cecidit. manes gaudente sub urna,
 Gaude & Iuleis umbra ferox tumulis.
 Pro patria occubuit pugnans, murisq; cruento
 Dum stetit hostiles repulit ense manus.
 Nos plausum simul ore damus, simul aere canoro,
 Parmenio. hęc patrius munera poscit amor.

HYDRUNTINORVM CIVIVM A'

Turca interfectorum. Viator, Genius, &
 Sacerdos colloquuntur.

In frōte est tumuli scriptum, Sacer est locus. intus VI.
 Tibia funereos deflet eburna modos.
 Ore fauete omnes. manes sua funera deflent. GE.
 Infleti, ob patriam qui cecidere suam.
 Ingratos patrię mores. sparsere cruorem. VI.
 Pro patria. patrius cur male gratus amor?
 Ossa solo quę sparsa iacēt, nunc colligit hydrus, GE.
 Colligit & rigidis uiscera pasa rubis.
 Parcite iam manes planctu, miserandaq; cessent
 Murmura, nam tumulis rite paratur honor.
 Dic age, dic bona uerba senex, iam conde sepulcro
 Viscera, & in tumulis ossa reponere sacris.
 Ossa subite pios loculos, & inite sepulcrum. SA.
 Viscera sacratas rite subite domos.